

**ხელშეკრულება №01/037**  
**სახელმწიფო შესყიდვის შესახებ**  
**(კონსოლიდირებული ტენდერი №CON150000006)**

ქ. თბილისი

„22“ „იანვარი“ 2015 წ.

ერთის მხრივ, სსიპ ილიას სახელმწიფო უნივერსიტეტი, შემდგომში - „შემსყიდველი“, წარმოდგენილი დავით აფრასიძის სახით და მეორეს მხრივ, შპს „სოკარ ჯორჯია პეტროლეუმი“ შემდგომში - „მიმწოდებელი“, წარმოდგენილი შპს „სოკარ ჯორჯია პეტროლეუმი“-ს იურისტის კახაბერ გოგოლაძის (პ/ნ 01006008662, თანახმად 24.04.2014 წლის მინდობილობის დამოწმებული ნოტარიუს ნუნუ გინტურის მიერ (ინდ.#91423897025514, რეგ.#140398203)) სახით, ორივე ერთად წოდებული, როგორც „მხარეები“, ვმოქმედებთ, „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2014 წლის 4 დეკემბრის №11 ბრძანებით დამტკიცებული ნავთობპროდუქციის (საწვავის) კონსოლიდირებული ტენდერის ჩატარების წესისა და პირობების და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესით“ კონსოლიდირებული ტენდერის ფარგლებში საწვავის სახელმწიფო შესყიდვის თავისებურებათა გათვალისწინებით, ვდებთ წინამდებარე ხელშეკრულებას შემდეგზე:

**1. გამოყენებული ტერმინების განმარტებები**

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების საორიენტაციო ღირებულება“- საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“- პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

**2. ხელშეკრულების საგანი**

- 2.1. ხელშეკრულების საგანს წარმოადგენს „შემსყიდველის“ მიერ საწვავის შესყიდვა ერთჯერადად ან ეტაპობრივად 2015 წლის 31 დეკემბრის ჩათვლით.
- 2.2. „საწვავი“-ს შექმნა განხორციელდება სითხის სახით. „საწვავის“ მიწოდებას უზრუნველყოფს „მიმწოდებელი“, „შემსყიდველი“-ს მიერ (მოთხოვნის შესაბამისად) დანართი №2-ით მითითებულ მისამართ(ებ)ზე, ხოლო საწვავის მიწოდება განხორციელდება მიმწოდებლის საბითუმო ბაზ(ებ)იდან (მისამართი: ქ.თბილისი ქვემო ალექსეევკის დასახლება, ქ.თბილისი, მე-8 ლეგიონის მოპირდაპირედ, კახეთის გზატკეცილის №44-ის მოპირდაპირედ, ქ. ქუთაისი ორახელაშვილის ქ. #14).

**3. ხელშეკრულების ღირებულება**

- 3.1. ხელშეკრულების საორიენტაციო ღირებულება შეადგენს **12320.00** (თორმეტი ათას სამას ოცი) ლარს.
- 3.2. საწვავის რაოდენობა, სახეობა და ერთეულის ფასი მოცემულია დანართი №1-ში, რომელიც წარმოადგენს ამ ხელშეკრულების განუყოფელ ნაწილს.
- 3.3. საწვავის ეტაპობრივად შესყიდვის შემთხვევაში, საწვავის რაოდენობა და ერთეულის ფასი განისაზღვრება ამ ხელშეკრულების მე-4 მუხლის მოთხოვნათა დაცვით, წარმოდგენილი საგადასახადო ანგარიშ-ფაქტურით.
- 3.4. ხელშეკრულების ღირებულება მოიცავს, როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით, „მიმწოდებლის“ მიერ გაწეულ ყველა ხარჯს.

**4. საქონლის ფასის დაანგარიშების პირობები**

4.1 კონსოლიდირებულ ტენდერში გამარჯვებული პრეტენდენტის მიერ დაფიქსირებული ყველაზე დაბალი საბოლოო ფასიდან გამოითვლება „Z“ აშშ დოლარში (ტრანსპორტირებასთან, ლოგისტიკასთან და შენახვასთან დაკავშირებული ხარჯები, ზედნადები ხარჯები, საწარმოს მოგება და აქციზი) შემდეგი ფორმულის მეშვეობით:  $Z = Cbid / (Rnov * (D/1000) * (100\% + 18\%)) - Pnov$  რომელშიც: Cbid - ელექტრონული ვაჭრობის შედეგად დაფიქსირებული საბოლოო ფასი 1 ლიტრ დიზელზე (ლარში); Rnov - აშშ დოლართან მიმართებაში ლარის ოფიციალური გაცვლითი კურსის 2014 წლის ნოემბრის თვის საშუალო არითმეტიკული; D - მიმწოდებლის სატენდერო წინადადებით წარმოდგენილი დიზელის სიმკვრივის მაჩვენებელი (გრ/სმ<sup>3</sup>); 18% - დღგ; Pnov - PLATTS EUROPEAN MARKETSCAN-ის FOB Med (Italy) ბირჟაზე დაფიქსირებული (გამოქვეყნებული) საწვავის ერთი მეტრული ტონის 2014 წლის ნოემბრის თვის საშუალო არითმეტიკული ფასი აშშ დოლარში (შემდგომში - პლავის ნიშნული). Z და D სიდიდეები უცვლელია 2015 წლის 31 დეკემბრის ჩათვლით.

4.2 მიმწოდებელი ახორციელებს ყოველი მიმდინარე კალენდარული თვისათვის 1 ლიტრი დიზელის ნომინალური ღირებულების განსაზღვრას (შემდგომში - ნომინალური ღირებულება -  $C_{nom}$ ) შემდეგი ფორმულის მეშვეობით:  $C_{nom} = R \cdot (P + Z) \cdot (100\% + 18\%) \cdot D / 1000$  სადა: P და R წარმოადგენს მიმდინარეს წინა კალენდარული თვის შესაბამისი მონაცემების საშუალო არითმეტიკულ სიდიდეებს; Z და D – 4.1 პუნქტით გათვალისწინებულ გამარჯვებული სატენდერო წინადადებით წარმოდგენილ უცვლელ სიდიდეებს.

4.3 ნავთობპროდუქციის (საწვავის) სპეციფიკაციიდან გამომდინარე, მისი ღირებულების საერთაშორისო სასაქონლო ბირჟაზე არსებულ ცვალებად ფასს (P) ან/და ეროვნული ვალუტის ოფიციალურ გაცვლით კურსზე (R) დამოკიდებულების გამო, მიმწოდებელი ვალდებულია შემსყიდველ ორგანიზაციას ყოველთვიურად წარუდგინოს ნომინალურ ღირებულებაზე დაყრდნობით გამოთვლილი მიმდინარე თვის განმავლობაში მისაწოდებელი საქონლის ერთეულის ფასი (მიმდინარე თვის სახელშეკრულებო ფასი - C1).

4.4 2015 წლის იანვრის სახელშეკრულებო ფასი განისაზღვრება ელექტრონული ვაჭრობის შედეგად აფიქსირებული 1 ლიტრი დიზელის საბოლოო ფასის ( $C_{bid}$ ) ტოლი სიდიდით. ყოველი მომდევნო თვის სახელშეკრულებო ფასი კი გამოითვლება 1 ლიტრი დიზელის ნომინალურ ღირებულებაზე დაყრდნობით, შემდეგი პრინციპის გათვალისწინებით: ა) მიმწოდებელი, ითვალისწინებს რა პლაცის ნიშნულისა და სავალუტო კურსის ცვალებადობას, ყოველი კალენდარული თვის პირველ რიცხვში, განსაზღვრავს 1 ლიტრი დიზელის მიმდინარე თვის სახელშეკრულებო ფასს შემდეგი პრინციპის მიხედვით: იმ შემთხვევაში, თუ P-სა და R-ის ცვლილება იწვევს ფორმულით გაანგარიშებული 1 ლიტრი დიზელის ნომინალური ღირებულების ( $C_{nom}$ ) სამზე ნაკლები პროცენტული ოდენობით ცვლილებას წინა თვის სახელშეკრულებო ფასთან მიმართებაში, მაშინ მიმდინარე თვის სახელშეკრულებო ფასი უდრის წინა თვის სახელშეკრულებო ფასს, ხოლო იმ შემთხვევაში თუ P-სა და R-ის ცვლილება იწვევს ფორმულით გაანგარიშებული 1 ლიტრი დიზელის ნომინალური ღირებულების ( $C_{nom}$ ) სამი ან მეტი პროცენტული ოდენობით ცვლილებას წინა თვის სახელშეკრულებო ფასთან მიმართებაში, მაშინ მიმდინარე თვის სახელშეკრულებო ფასი უტოლდება ფორმულით გაანგარიშებული მიმდინარე თვის ნომინალურ ფასს. ბ) სახელშეკრულებო ფასის დადგენისას ასევე გათვალისწინებულ უნდა იქნას შემდეგი პრინციპი: იმ შემთხვევაში, თუ მიმწოდებლის საცალო რეალიზაციის ქსელში ერთი ლიტრი დიზელის საანგარიშო თვის საშუალო არითმეტიკული ფასი წინა კალენდარული თვის შესაბამის მაჩვენებელზე 10%-ზე (ასეულის სიზუსტით) მეტით შემცირებულია, მაშინ მიმდინარე თვის C1 უნდა იყოს მიმწოდებლის საცალო რეალიზაციის ქსელში ერთი ლიტრი დიზელის საანგარიშო თვის საშუალო არითმეტიკულ ოდენობაზე მინიმუმ 10 თეთრით (0,10 ლარით) ნაკლები, ხოლო თუ 15%-ზე მეტით შემცირებულია – მინიმუმ 5 თეთრით (0,05 ლარით) ნაკლები.

4.5 საანგარიშსწორებო ფასის დადგენისას გათვალისწინებულ უნდა იქნეს შემდეგი გარემოება: დიზელის შესყიდვისას, მიმწოდებელი შემსყიდველ ორგანიზაციას წარუდგენს თითოეულ ჯერზე გასატანი შესაბამისი მარკის საწვავის მიხედვით გამოწერილ ანგარიშ-ფაქტურას, საწვავის გატანის დღეს. საანგარიშსწორებო ფასი გამოითვლება ნომინალურ ღირებულებაზე დაყრდნობით განსაზღვრული საანგარიშსწორებო ფასის მიხედვით, რომელიც უნდა იყოს საწვავის მოთხოვნის დღისათვის მიმწოდებლის საცალო რეალიზაციის ქსელში არსებულ ფასზე (CR) მინიმუმ 15 თეთრით ნაკლები.

4.6 იმ შემთხვევაში, თუ ხელშეკრულებაში არ მოხდა დამატებითი შეთანხმების სახით სახელშეკრულებო ფასის ცვლილების ასახვა, ანგარიშსწორების განხორციელებისას ხელშეკრულების მხარეები ხელმძღვანელობენ მიმწოდებლის ოფიციალურ ვებგვერდზე გამოქვეყნებული შესაბამისი ფასის ოდენობით.

4.7 მიმწოდებელი ვალდებულია ყოველი თვის პირველ სამუშაო დღეს სატენდერო კომისიას წარუდგინოს P და R და მათ საფუძველზე გამოთვლილი მიმდინარე თვის მისაწოდებელი [შესაბამისი მარკის საწვავის] 1 ლიტრის ფასი, რომელიც დაუყოვნებლივ უნდა განთავსდეს მიმწოდებლის ოფიციალურ ვებ-გვერდზე.

4.8 იმ შემთხვევაში, თუ დიზელის ტრანსპორტირება ხდება ნავთობბაზიდან შემსყიდველი ორგანიზაციების ხარჯებით, 1 ლიტრი დიზელის ფასი მინიმუმ 3 თეთრით ნაკლები უნდა იყოს იმ თვის სახელშეკრულებო ფასზე (C1), როდესაც ხდება ნავთობბაზიდან დიზელის გატანა.

4.9 მიმწოდებელმა ასევე ყოველი სამუშაო დღის დასაწყისში უნდა მიაწოდოს სატენდერო კომისიას ინფორმაცია მის საცალო რეალიზაციის ქსელში არსებული 1 ლიტრი [შესაბამისი მარკის საწვავის] ყოველდღიური ფასის შესახებ ელექტრონული ფოსტის მისამართზე [oil2014@spa.gov.ge](mailto:oil2014@spa.gov.ge).

4.10 იმ შემთხვევაში თუ შემსყიდველი ჩათვლის უფლებით განთავისუფლებულია დღგ-სგან საქართველოს საგადასახადო კოდექსის 168-ე მუხლის მე-5 პუნქტის თანახმად საწვავის ფასი დაანგარიშდება წინამდებრე ხელშეკრულების მე-4 მუხლით გათვალისწინებული ფორმულის შედეგად დაფიქსირებულ ფასს (C) გამოკლებული დღგ.

## 5. მხარეთა უფლება-მოვალეობები

5.1. მიმწოდებელი ვალდებულია:

ა) საკუთარი ხარჯებით, დაკალიბრებული საწვავმზიდებით უზრუნველყოს შემსყიდველისათვის „საწვავის“ სითხის სახით მიწოდება, შემსყიდველის მიერ მითითებულ მისამართზე (დანართი N2), წერილობითი მოთხოვნის მიღებიდან და წარმოდგენილი საგადასახადო ანგარიშ-ფაქტურის დადასტურებიდან 5 (ხუთი) სამუშაო დღის განმავლობაში, თუ ერთჯერადად მისაწოდებელი საწვავის მოცულობა ტოლია ან აღემატება 3 000 ლიტრს.

ბ) შესაბამისი მოცულობის ბენზინმზიდში საწვავის ჩასხმის დასრულების შემდეგ (ტრანსპორტირების დაწყებამდე), შემსყიდველს მიაწოდოს შესაბამისი საგადასახადო ანგარიშ-ფაქტურა.

გ) წარმოდგენილი საგადასახადო ანგარიშ-ფაქტურის, შემსყიდველის მხრიდან დადასტურების შემდეგ, დაიწყოს საწვავის ტრანსპორტირება-მიწოდება დანიშნულების ადგილზე.

დ) შემსყიდველის მინდობილობით უფლებამოსილ პირთან გააფორმოს შესაბამისი მიღება-ჩაბარების აქტი (დანართი №3), საწვავის გადაცემაზე.

ე) მიღება-ჩაბარების აქტის გაფორმების შემდეგ ნებისმიერი რისკი გადადის შემსყიდველზე.

ვ) განიხილოს შემსყიდველის პრეტენზიები და მიაწოდოს მოტივირებული წერილობითი პასუხი ყველა საკითხზე;

ზ) უზრუნველყოს ამ ხელშეკრულებით მასზე დაკისრებული სხვა ვალდებულებების შესრულება.

5.2. მიმწოდებელი უფლებამოსილია:

ა) შემსყიდველს შეუჩეროს საწვავის მიწოდება, თუ შემსყიდველის მიერ წინამდებარე ხელშეკრულების მე-7 მუხლის 7.2 პუნქტით გათვალისწინებული გადახდის ვადები იქნება დარღვეული.

ბ) თუ 7.2 პუნქტით განსაზღვრულ ვადაში, შემსყიდველის ბრალულობით არ მოხდება ანგარიშ-ფაქტურის დადასტურება, საწვავის მიწოდების კონკრეტული შესაბამისი მოთხოვნა უქმდება, ხოლო მსგავსის გამეორება განხილული იქნება შემსყიდველი მხარის მიერ ნაკისრი ვალდებულების არაჯეროვან შესრულებად.

5.3. შემსყიდველი ვალდებულია:

ა) უზრუნველყოს ხელშეკრულების შესრულების კონტროლი (ინსპექტირება);

ბ) უზრუნველყოს საწვავის მიღება მხოლოდ წინამდებარე ხელშეკრულების პირობების სრული დაცვით.

გ) წერილობითი მოთხოვნა წარმოუდგინოს მიმწოდებელს, საწვავის სითხის სახით შესყიდვის თაობაზე, ელექტრონული ფოსტის მისამართზე tenders@sgp.ge. მოთხოვნაში მითითებული უნდა იყოს საწვავის დასახელება, რაოდენობა ლიტრებში, საწვავის შესანახი ავზის მოცულობა, მიწოდების ადგილის (ფაქტური) მისამართი, სტაციონალური შვიდნიშნა კოდი (ასეთის არსებობის შემთხვევაში), საკონტაქტო ან/და უფლებამოსილი პირის ტელეფონის ნომერი (ელ.ფოსტა).

დ) საწვავის მიღებისას დაიცვას ნავთობროდუქტების მიღებასთან დაკავშირებული უსაფრთხოების წესები და ნორმები.

ე) შეუქმნას მიმწოდებელს საწვავის ადგილზე მიწოდება/დაცლისათვის ყველა ტექნიკური და აუცილებელი პირობა. იმ შემთხვევაში, თუ მიწოდების/დაცლის ადგილი (რეზერვუარი) სპეციფიკურია თავისი ადგილ მდებარეობით, ამის შესახებ წინასწარ უნდა ეცნობოს მიმწოდებელს წერილობით მოთხოვნაში. (მაგ: მისადგომი მანძილი-დაშორება რეზერვუართან და სხვა).

ვ) საწვავის დანიშნულების ადგილზე მიტანისას, რეზერვუარში ჩასხმამდე მოახდინოს საწვავის ინსპექტირება და გააფორმოს მიმწოდებელთან შესაბამისი მიღება-ჩაბარების აქტი (დანართი №3) უფლებამოსილი პირის მეშვეობით.

ზ) შეასრულოს ამ ხელშეკრულებით მასზე დაკისრებული სხვა ვალდებულებები.

5.4. შემსყიდველი უფლებამოსილია:

ა) საწვავის შესყიდვის წესის სპეციფიკიდან გამომდინარე, მიმწოდებელთან მიავლინოს, უფლებამოსილი პირი, რომელიც მიმწოდებლის საბითუმო ბაზაზე დაესწრება და ინსპექტირებას ჩაუტარებს მისაწოდებელი საწვავის ბენზინმზიდში ჩასხმას. სათანადო ინფორმაციას მიაწვდის საფინანსო სამსახურს ანგარიშ-ფაქტურის დროული დადასტურებისათვის.

ბ) მოთხოვნის წარდგენამდე მხარეების ლოჯისტიკური საშუალებებიდან (შესანახი რეზერვუარის, ბენზინმზიდის ავზის ან ავზის დანაყოფის მოცულობა, უსაფრთხოებასთან და რაოდენობის ზუსტ აღრიცხვასთან დაკავშირებული საკითხები) გამომდინარე, მიმწოდებელთან ზეპირი შეთანხმების საფუძველზე, მოახდინოს სითხის სახით მისაწოდებელი რაოდენობის განსაზღვრა.

## 6. ხელშეკრულების შესრულების კონტროლი

6.1 მიმწოდებელი ვალდებულია საკუთარი ხარჯებით, სატენდერო კომისიას 2015 წლის განმავლობაში სამჯერ, არანაკლებ სამთვიანი ინტერვალით წარუდგინოს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან რომელიმე საერთაშორისო აღიარების მქონე ორგანიზაციის მიერ (მაგ. TUV, SGS და სხვ), რომელსაც აქვს არანაკლებ 5 წლიანი გამოცდილება საწვავის ექსპერტიზის სფეროში, გაცემული დასკვნა დადგენილ სტანდარტებთან შესაბამისობის განსაზღვრის მიზნით შემდეგი პარამეტრების მიხედვით: ცეტანის რიცხვი, პოლიციკლური არომატული ნახშირწყალბადების მოცულობითი წილი, გოგირდის შემცველობა, სიმკვრივე, ავტოგასამართი სადგურის პისტოლეტის კალიბრი, წყლის შემცველობა.

6.2 შემსყიდველ ორგანიზაციას ან მიმწოდებელს უფლება აქვს მოითხოვოს ალტერნატიული ექსპერტიზა, თუ რომელიმე მათგანი არ ეთანხმება გეგმიური ექსპერტიზის შედეგებს. ასეთ შემთხვევაში, ალტერნატიული ექსპერტიზის ხარჯები უნდა გაიღოს იმ მხარემ, რომელმაც მოითხოვა ალტერნატიული ექსპერტიზა. ალტერნატიულ ექსპერტიზას აქვს უპირატესი ძალა, თუ იგი შესრულებულია საერთაშორისო აღიარების მქონე ორგანიზაციის მიერ (მაგ. TUV, SGS და სხვ), რომელსაც აქვს არანაკლებ 5 წლიანი გამოცდილება საწვავის ექსპერტიზის სფეროში. ალტერნატიული ექსპერტიზის ჩატარების შემთხვევაში არ უნდა არსებობდეს ინტერესთა კონფლიქტი მიმწოდებელსა და ალტერნატიული საერთაშორისო ექსპერტიზის

განმახორციელებელს შორის რაიმე საკითხთან დაკავშირებით (მაგ. საწვავის წარმოშობის ქვეყანასთან, მიმწოდებლისა და ალტერნატიული საერთაშორისო ექსპერტიზის განმახორციელებლის ურთიერთდამოკიდებულებასთან და სხვა საკითხებთან.

## 7. ანგარიშსწორება

7.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტებზე.

7.2. მიმწოდებელსა და შემსყიდველ ორგანიზაციას შორის ანგარიშსწორება ხორციელდება მიმდინარე თვის სახელშეკრულებო ფასის საფუძველზე დადგენილი საანგარიშსწორებო ფასის (C2) მიხედვით, უნაღდო ფორმით, ეროვნულ ვალუტაში და მოიცავს საქართველოს კანონმდებლობით დადგენილ ყველა გადასახადს.

7.3. შემსყიდველი ორგანიზაცია ვალდებულია მიმწოდებლის მიერ საგადასახადო ანგარიშ-ფაქტურის წარმოდგენიდან 5 სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი დასაბუთებით. დიზელის მიწოდებისას ანგარიშსწორება განხორციელდება ანგარიშ-ფაქტურის წარმოდგენიდან 10 სამუშაო დღის ვადაში.

## 8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს წერილობითი ფორმით.

## 9. ხელშეკრულების პირობების შეუსრულებლობა

9.1. მიმწოდებლის მიერ კანონმდებლობითა და კონსოლიდირებულ ტენდერში მონაწილეობის შედეგად ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში, შესაბამისი შემსყიდველი ორგანიზაცია მიმართავს სატენდერო კომისიას ხელშეკრულების შეწყვეტის საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

9.2. სატენდერო კომისიის მიერ ხელშეკრულების შეწყვეტის შესახებ რეკომენდაციის მიღების შემთხვევაში, შემსყიდველი ორგანიზაცია წვეტს ხელშეკრულებას, რის შედეგად მიმწოდებელს დაეკისრება შემსყიდველი ორგანიზაციის სასარგებლოდ საჯარიმო თანხის გადახდა, რომელიც გამოითვლება შემდეგნაირად: კონსოლიდირებულ ტენდერში ელექტრონული ვაჭრობის დასრულების დღეს გამარჯვებული მიმწოდებლის საცალო რეალიზაციის ქსელში არსებული 1 ლიტრი [შესაბამისი მარკის საწვავის] ფასისა და ელექტრონული ვაჭრობის შედეგად დაფიქსირებული საბოლოო ფასის სხვაობის გამრავლებით წინამდებარე ხელშეკრულებით შესასყიდი (დარჩენილი) საწვავის საორიენტაციო მოცულობაზე და გაყოფილი ხელშეკრულების მოქმედების ამოწურვამდე დარჩენილი თვეების რაოდენობაზე.

9.3. შემსყიდველის მიერ წინამდებარე ხელშეკრულების 7.2 პუნქტით განსაზღვრული გადახდის ვადის დარღვევისათვის, მიმწოდებლის მოთხოვნის შემთხვევაში, შემსყიდველს დაეკისრება პირგასამტეხლო ყოველ ვადაგადაცილებულ დღეზე გადაუხდელი თანხის 0.01%-ის ოდენობით.

## 10. ხელშეკრულებაში ცვლილებების შეტანა

10.1. ნებისმიერი ცვლილება წინამდებარე ხელშეკრულებაში განხორციელდება წერილობით, მხოლოდ ორივე მხარის უფლებამოსილი წარმომადგენლის ხელმოწერით.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

## 11. ხელშეკრულების შეწყვეტა

11.1. წინამდებარე ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად და მხოლოდ სატენდერო კომისიის თანხმობით თუ მეორე მხარე არ ასრულებს ან არა ჯეროვნად ასრულებს ნაკისრ ვალდებულებებს, რის თაობაზეც მას წერილობით მიეცა გაფრთხილება და დარღვევის გამოსასწორებლად განესაზღვრა დამატებითი ვადა არანაკლებ 5 დღის ოდენობით. ამასთან, დამატებითი ვადა

შეიძლება არ მიეცეს, თუკი აშკარაა, რომ მას შედეგი არ ექნება, ან ვალდებულების არაჯეროვნად შესრულების გამო შეწყვეტის ინიციატორ მახრეს ხელშეკრულების საგნისადმი ინტერესი ეკარგება.

11.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

11.3. შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლის ან/და ზიანის ანაზღაურება.

## 12. დავების გადაწყვეტა

12.1. ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

## 13. ხელშეკრულების მოქმედების ვადა

13.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 31 იანვრის ჩათვლით.

## 14. დაუძლეველი ძალა

14.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14.3. თუ დაუძლეველი ძალის მოქმედება გრძელდება 30 დღეზე მეტ ხანს, მხარეს უფლება აქვს სატენდერო კომისიის თანხმობით ცალმხრივად შეწყვიტოს ხელშეკრულება.

## 15. სხვა პირობები

15.1. ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

## 16. მხარეთა რეკვიზიტები:

### შემსყიდველი:

სსიპ ილიას სახელმწიფო უნივერსიტეტი  
ქ. თბილისი, ქაქუცა ჩოლოყაშვილის გამზ. №3/5;  
საიდენტიფიკაციო კოდი – 204861970  
სახელმწიფო ხაზინა  
ხაზინის ერთიანი ანგარიში  
ბანკის კოდი: TRESGE22  
2015 წლის ეკონომიკური საქმიანობიდან მიღებული შემოსავლები

ადმინისტრაციის ხელმძღვანელი

დავით აფრასიძე



### მიმწოდებელი:

შპს „სოკარ ჯორჯია პეტროლეუმი“  
მის.: ქ. თბილისი, 300 არაგველის 24  
საიდენტიფიკაციო კოდი: 202352514  
საბანკო რეკვიზიტები:  
სს „საქართველოს ბანკის“ ცენტრალური ფილიალი  
ბანკის კოდი: BAGAGE22  
ანგარიშის ნომერი: GE02BG000000233446600  
ტელ.: 249 97 57

შპს „სოკარ ჯორჯია პეტროლეუმი“ – იურისტი

კახაბერ გოგოლაძე



#	საქონლის დასახელება	საქონლის ძირითადი მახასიათებლები	საორიენტაციო რაოდენობა (ლიტრი)	ერთეულის ფასი(ლარი)	საერთო საორიენტაციო ღირებულება (ლარი)	მიწოდების ადგილი	მიწოდების ვადები
1	დიზელი L-62	(PPM 50 და მეტი)	8000 ლიტრი	1.54 ლარი	12320.00 ლარი	ქ. ფოთი, ახალი პორტი)	22.01.2015-დან 31.12.2015- ჩათვლით

შემსყიდველი:

სსიპ ილიას სახელმწიფო უნივერსიტეტი  
 ქ. თბილისი, ქაქუცა ჩოლოყაშვილის გამზ. №3/5;  
 საიდენტიფიკაციო კოდი – 204861970  
 სახელმწიფო ხაზინა  
 ხაზინის ერთიანი ანგარიში  
 ბანკის კოდი: TRESGE22  
 2015 წლის ეკონომიკური საქმიანობიდან მიღებული შემოსავლები

ადმინისტრაციის ხელმძღვანელი

დავით აფრასიძე



მიმწოდებელი:

შპს „სოკარ ჯორჯია პეტროლეუმი“  
 მის.: ქ. თბილისი, 300 არაგველის 24  
 საიდენტიფიკაციო კოდი:202352514  
 საბანკო რეკვიზიტები:  
 სს „საქართველოს ბანკის“ ცენტრალური ფილიალი  
 ბანკის კოდი:BAGAGE22  
 ანგარიშის ნომერი: GE02BG000000233446600  
 ტელ.: 249 97 57

შპს „სოკარ ჯორჯია პეტროლეუმი“- იურისტი

კახაბერ გოგოლაძე



საქონლის მიწოდების ადგილი

მისამართი	რეზერვუარის მოცულობა (ლიტრი)	რეზერვუარის სპეციფიკური მონაცემები (მიწისქვეშა მიწის ზედა)	უფლებამოსილი პირ(ები) მიწოდების ადგილზე (გვარი,სახელი,თანამდებობა)
ქ. ფოთი, ახალი პორტი გემი „წმინდა ილია“	13000	ავზის მდებარეობა ნავსაყუდელთან მიწის ზედა პოზიციაზე	მამუკა მოდებამე - ილიას სახელმწიფო უნივერსიტეტის საზღვაო ტექნიკური მომსახურების სამსახურის უფროსი

შემსყიდველი:

სსიპ ილიას სახელმწიფო უნივერსიტეტი  
 ქ. თბილისი, ქაქუცა ჩოლოყაშვილის გამზ. №3/5;  
 საიდენტიფიკაციო კოდი – 204861970  
 სახელმწიფო ხაზინა  
 ხაზინის ერთიანი ანგარიში  
 ბანკის კოდი: TRESGE22  
 2015 წლის ეკონომიკური საქმიანობიდან მიღებული შემოსავლები

ადმინისტრაციის ხელმძღვანელი

დავით აფრასიძე



მიმწოდებელი:

შპს „სოკარ ჯორჯია პეტროლეუმი“  
 მის.: ქ. თბილისი, 300 არაგველის 24  
 საიდენტიფიკაციო კოდი:202352514  
 საბანკო რეკვიზიტები:  
 სს „საქართველოს ბანკის“ ცენტრალური ფილიალი  
 ბანკის კოდი: BAGAGE22  
 ანგარიშის ნომერი: GE02BG0000000233446600  
 ტელ.: 249 97 57

შპს „სოკარ ჯორჯია პეტროლეუმი“ – იურისტი

კახაბერ გოგოლაძე



თარიღი \_\_\_\_\_: \_\_\_\_\_ 2015 წ.

ერთის მხრივ, „მიწოდებელი“ შპს „სოკარ ჯორჯია პეტროლეუმი“ წარმოდგენილი  
(თანამდებობა, სახელი, გვარი) \_\_\_\_\_

და მეორეს მხრივ, „შემსყიდველი“ \_\_\_\_\_ წარმოდგენილი  
(თანამდებობა, სახელი, გვარი) \_\_\_\_\_

ჩვენს შორის გაფორმებული ხელშეკრულების საფუძველზე გავაფორმეთ საწვავის გადაცემაზე შესაბამისი:

**მიღება-ჩაბარების აქტი**

„მიწოდებელმა“ ჩააბარა , ხოლო „შემსყიდველმა“ მიიღო ქვემოთ მოცემულ ცხრილ №1-ში აღნიშნული, შემდეგი სახეობისა და რაოდენობის საწვავი.

**ცხრილი #1**

საწვავის სახეობა	რაოდენობა ლიტრებში (ციფრებით და სიტყვიერად)	ანგარიშ- ფაქტურის №	ბენზინმზიდის და (მისაბმელის) სახ. ნომერი	მისამართი
დიზელი L-62 (PPM 50 და მეტი)				

„შემსყიდველის“ წარმომადგენელი

„მიწოდებლის“ წარმომადგენელი

ხელმოწერა/

/ხელმოწერა/

ბენზინმზიდის მძღოლი

/ხელმოწერა/

**შემსყიდველი:**

**მიწოდებელი:**

სსიპ ილიას სახელმწიფო უნივერსიტეტი  
ქ. თბილისი, ქაქუცა ჩოლოყაშვილის გამზ. №3/5;  
საიდენტიფიკაციო კოდი – 204861970  
სახელმწიფო ხაზინა  
ხაზინის ერთიანი ანგარიში  
ბანკის კოდი: TRESGE22  
2015 წლის ეკონომიკური საქმიანობიდან მიღებული  
შემოსავლები

შპს „სოკარ ჯორჯია პეტროლეუმი“  
მის.: ქ. თბილისი, 300 არაგველის 24  
საიდენტიფიკაციო კოდი:202352514  
საბანკო რეკვიზიტები:  
სს „საქართველოს ბანკის“ ცენტრალური ფილიალი  
ბანკის კოდი: BAGAGE22  
ანგარიშის ნომერი: GE02BG000000233446600  
ტელ.: 249 97 57

ადმინისტრაციის ხელმძღვანელი

შპს „სოკარ ჯორჯია პეტროლეუმი“ – იურისტი

დავით აფრასიძე



კახაბერ გოგოლაძე

